

湘綺樓日記

二四

# 湘綺樓日記

光緒二十九年癸卯

癸卯正月元日丁巳朔大雪積半尺年光甚麗辰正受賀朝食後出汎湘  
至東卡過對岸遇兩陳郎停舁相待共入楊家暫坐伯壽兒出延客耕  
雲夫人自出相見將設年禮辭出循湘岸下至浮橋渡湘繞北門入城  
出西門至蓀咳處一談入城南上渡湘待船來還院猶未午食也雪花  
點衣殊不成朵皆純似玉珠從來所少見夜擲骰未三更先睡房嫗醒  
已欲覺矣

二日大雪旣樵蓀咳黃狎縣丞任績臣譚兵備程生來並入談喻生來空  
坐無所設

三日雪止冰凝天反稍煖知未遽晴也黃生早來以忌辰謝之俄而周松  
喬顧尉唐太尊俱來楊郎程堯亦至晝日三接作書謝俞撫但道並致

楊親家劉丁陸行去

四日雪兩縣賀子獻長沙鄉親三家蕭譚兩學師俱來竟日接對至暮頗倦小榻夜起擲骰

五日霽張尉女婿石生來避老總怱怱去趙階六來談程生集新安館相待午後乘舟往蓀咳丁次山陳郎江尉俱先至到已遲矣食畢遂暮借舁下船還乃酣睡至曉水仙始花

六日大霧晴城中迎春兩孫往看僮嫗俱從閉門謝客晡時人還云已過矣

七日晴國忌以爲無客蔣少耶掛珠來登樓看梅繁花半發鈔墨子一葉八日陰昨夕得蔡洋局書云蜀臬欲要往教習洋生道理既多一切不說但復電云老不宜來而已并勸蔡去未必知我意也兩程孫來梅已聞香登樓獨看六女作餅馬道臺來言江南事

九日晴將入城廖氏三郎來長者神似其父少者蓋似其母與談久之同下船至岢樵處送行陳郎家探病真女出拜年小坐還船至院未夕女客來楊六嫂請見并見程趙母女夜擲骰

十日晴有風三婦出拜年頃之人還云真已娠矣夜久不歸振湘來因令入城探賴事便問消息初更還云懿婦留待不還余以真一拜而娠與宥莊同慮其難產心懸不寐又聞仙童得實缺乃臆與笏山父子論受妊事見笏山甚矮而無見所謂噩寤也

十一日陰風晨起將令滋往替鄭頃之報喜人來云丑初得外孫矣疑慮頓釋如新得一女也午後西禪四僧來岢樵來楊躡丁篤生來丁入看樓半日應酬甚倦遣嫗看真問作三朝鄉俗鈔墨子一葉

十二日雨竟日鈔墨子二葉日夜擲骰奪狀元科舉停後一升平典故抵一篇選舉志也周楊兩生及耒陽劉生來

十三日晴鈔墨子一葉張子持送窯灰筍衣與書誨之女婦攜嫗至陳家  
洗兒清坐晝長看女孫博戲猶不能消日喬子婦攜兒來拜年催飯去  
看龍燈初夜月明女婦均還未暇夕食湘孫設春餽胡麻酪遂飲一杯  
微醉早睡雲起將雨矣中夜遂大雨

十四日晨起風寒雨淒鈔墨子一葉考定所引召公之令爲君爽文譌脫  
皆可讀亦一快也

十五日陰入城答客四家賀廖常譚唯賀寓未入廖氏六子皆成人以基

爲氏木旁爲名

植壁絨  
樵釋笙杰叔怡棟幼陶

本答其拜乃皆不遇云日本人

看廿長者往廠去矣道署留談聞爆竹聲憬然有節物之感似廿年前  
光景馳還擲骰來宗金嫗來云從王同知往道州金留宿同牀

十六日陰欲晴未晴午初瑣門內外俱上學遣送打箱錢交王同知妻付  
來宗定皮箱投暮往還余假寐以待初更已還復起鬪牌常霖生張子



年呼門入談

十七日陰晨出弔喻生喪內外無人唯一孝子立話數語江尉來劉子重曹從九來畢八先生次孫來送楚詞求作家傳客擁擠一時殊勞祇應正欲夕食懿婦還方僮護送張四哥同行端孫留外家唯孫女同來水仙香發似晚香玉非貴品也正以其不種而華新異之耳亦宋派鈔墨子一葉

十八日陰梅樹萬花登樓巡賞將出頗矐鈔墨子上篇成畢送行狀

十九日雨張振告去晨談張家事甚久作書遣陳順去辭以待船乃辭張振獨下至常家送嫁程孫先在略談遂出答訪張劉曹三尉曹字先仁卽槌教民者也劉門條甚新似甚得意皆云至江尉處相待矣旋會於江署客尙有朱二賀孫程孫亦來摸牌至夜還未至船大雨舁夫衣盡溼至船坐頃之汗雨因風而冷屢命船中蓄火以待出則無備幸入春

不至大凍耳此皆出行要事往往忽略則舁夫苦矣

廿日晴朝食後約張振同下湘余亦襪被以往疇孫從至安記先遣僮媪送至彭祠余臥待催客乃往道府幙紳商公請春酒以程太守爲賓設三席至戌散疇已歸矣余宿江南館

廿一日晴朝食後步從大西門出循城而西從隄埒間至蓮湖書院蓀咳爲主人看新修兩樓及齋房待譚兵備至午正乃至陳程甥舅又後已向晡矣談燕竟日燒小豬甚佳教官之侈也夕還欲雨廖遣轎送至船到院二更矣

廿二日雨欲作蓮湖宴集詩先作元旦拜年詩又登樓看梅花如霧從來詠梅者未及此彭傳臚催客步往彭景雲來又不識之程陳繼至大雨作舁來迎上船還正月初更

廿三日陰雨召匠作書箱剃髮

廿四日陰晏起黃孫云巡撫專差來甚訝之開函乃告別求詩並請題趙卷趙書止齋記未知止齋何人也作文者段從周亦不知名贗筆也庸松來未及談下湘赴陳郎春酒先至安記尋元史繙段從周彭傳臚霖生來楊四郎回門來見同飯西散宿江南館夜寒

廿五日陰有雨欲出答客忘取氈冠更遣還東洲取之程孫廖生常陳舅甥來唐太尊來言耒陽令許周室舉人廖生極不然之余意官話多不可信欲告巡撫因詣道府道模張廣柏已往郡館相待唯見畢孫唐太尊甫還正會客入與戴膠子談云郡人公請待久矣往泥灣則設五席演調叔甚有情態賞李三一元廖賞武松一元禮也堂會不可專賞旦未盡歡已二更乃還江南館

廿六日陰晴紉女納徵乃無華飾衡俗過清庚則不更送釵釧唯鳳蟒開容脂粉折席喜封媒人亦至蕭然無辦坐久之乃設湯餅賞錢不過三



千儉之至也幾復余昏時故事矣久留撫弁又得排單來書言已請退  
更求余文乃還作之步至馬頭遇一破舫男女雜坐而還舟中一弁自  
云耕雲舊勇曾事彭常且從修志繪圖彈指卅年矣夜作送俞虞軒還  
山陰序未成鷄鳴乃寢

廿七日陰晨作俞序成便題趙卷書復仲隅又書復莪女遣專弁去戴將  
來入談未陽資生送柏丞孫來留居我處餘客皆謝不見鈔墨子一葉  
夜薰沐資孫蝨以百數房嫗辭日眊遣僮丁料理惜孺人沒無古道矣  
大雨睡熟不知

廿八日晴大熱牆壁木漆器皆流水異候也襍被入城待滋女辦裝余止  
安記女婦借程生家暫住至夕乃來已昏暮不能事余仍還院

廿九日晴煊復女請早行黎明卽起過辰正未妝余不能待攜嫗先發至  
安記過東華門看滋安排送裝嫗先取器皿陳之午後兩婦二女一孫

女攜四姬皆至滋先迎程二嫂助鋪設仍似鋪房但略滿耳將夕乃送去房姬攝行伴婆事先往料理至夕俱還黃狝縣丞周松喬秀才來賀至書院未遇又更衣至安記晤談夜雨

二月丙戌朔紉女嫁日當早往城料理姬請朝食乃去去則尙未開容補定醴女迎婦禮陳郎程孫作媒其弟爲贊皆會於寓室女客則楊程江常陳氏加笄後便親迎女壻劉煥宸其父名昌澧字皆未之間也申初發親余至劉寓一會親家卽還院中更無人移居內室大風雨從者晚不能渡夜黑如磬凡三出呼應並遣資孫出視一時許乃從對岸借船渡此岸竟不能渡也灌壇風雨不是過矣

二日晴晨作小詞題俞仲隅畫冊詞能驅駕又一派也數遣人往來城中竟無人送衣履來終日鞞行從洲東泝流過白沙洲黃周俱出爲黃書一聯便送與之夕程夏來告回門發帖事雙雙而至春秋所譏不知啓

將何詞余云翌午三朝恭候而可矣請陪客古云壻見迎贊也遂書三帖與之程送書箱爲紉裝書畢適劉送酒饌便令船去附箱至城廖學

師送胙

三日晴李生晨至言開廿無違祖訓與余所聞大異不違祖似違父師耳

功兒私財火燒不盡而欲盡於廿亦可閔也紉女回門往城

先至馮家  
甲孝馬壽

雲作陪始  
行朝奠

待壻見請陳郎程夏作陪陳伯嚴不可復得矣陳李程亦俱

來遂留便飯余未出陪夕散還船水暴漲攜嫗婆息同行上水甚難

四日晨晴午陰夕遂大雨湘漲未落往城請媒兼令覓船步訪常霖生云

夏得鄂撫張專練兵矣 朝廷以百熙文於之洞故熙學而洞軍與潘

世恩文優阮元前後合符道遇玉洲僧愨田訟與書盛太耶薦高奶子

還寓待客久不至遣招陳郎李程踵至請霖生便集知余欲回船未畢

而散將入夾紅光罩人乃是電影久之乃聞雷雷殊不近光在咫尺亦

異景也爲俞撫寫送行序

五日陰雨附船下湘云得一巴干及發行李又云桐殼已遣迎湘孫矣不  
得便已欲別附一舟同行乃送女媵先往劉壻來送行爲李生致書張  
管學爲道地李稱有守者而亦干進非上品也船山生又少一人矣至  
船邊見劣可容入城至寓處午飯告諸女待晴乃上資孫逃去託留後  
於廖生促程夏入學遣招崇輔同行至夜畢至雨濛濛未止泊毛橋

六日陰夜半發午過雷石鄧進士師禹來見送鴨脯五相公送魚肉夜泊  
晚洲行二百廿五里

七日風雨不宜行強行六十里泊昭靈灘筆墨被瑣竟日但睡無事

八日雨寒仍風行百里泊下瀟司又睡一日

九日甲午啓蟄昨夜初更時已隱隱有雷晨乃雷雨辰泊湘潭聞山莊被  
竊被褥十餘鋪恐無此多被也然當懲之劉丁上岸逢賀生來見問其

何往云至麓山問何以失約不還錢乃送入元來可謂狹路相逢也

裏畫

六湖山好又幾回題句年華催換少日襟情老來游迹舊圖都見莫道風波惡泛一葉釣舟還便愁洛陽暗滿胡沙運了藕鱸張翰非晚新恩

八重脊有琴鶴歸裝蘿荔芳院待欲抽簪怕幾之笑我庚曲公塵流陶令容蕭散記運甓繞專方面只蘭亭不似新亭許多春怨曲游春再題仲

十游圖臥船人逗留未移寸步將上岸以湘孫在船故止夜被房嫗驚醒急

問其故乃云膠厭耳

十日陰平明始發行遲日長午後已過南門舟不肯泊城岸女不可坐露

舟乃獨身先歸喚舁夫方知盛備從謔去矣家人無能者久之始得舁

往羅楊比而辱我使劣子自投牢溷亦業冤也

後至江夏與人論比之  
杏元小姐為姦臣陷害

直一笑耳吾誤收楊兒致此奇報慎無為善豈謂此耶將夕湘孫乃來

朱釋泉來坐談夜寒窸女來

十一日陰雨有雷胡甥來坐甚久但糧道來未見送書撫臺言鄉中盜賊

敢於嘗試請飭懲治兼為常霖生請託約明日往見俞公遣人來約枉



駕辭之雲孫來言高等學堂熊嫗來得龍郎書銀卽復兩紙窠女來

十二日雨陰家中轎無雨衣賃舁出謁撫臺言未陽舉人周室訪聞事廩公云唐守已言之矣又言張孝達保護事洋人必爲出力論晉事無可爲浙東多盜云云答但訪徐幼穆張王皆不遇見笠僧而還迎窠女來笠公來垂簾無從似女客余避入復出稷初夕來言家務事並示受禪碑集文程生來問行期以明日詹徒同來

十三日晴幼穆來暢談留早飯去陳郎自衡來云諸女仍還書院矣陳海鵬來醉熏熏大論撫臺不知兵及爲洋人所擠去殊出意外武人文論死其將至之徵余於賀虎臣驗之矣張雨珊來云張之洞論管學謬也乃袁世凱耳楊兒來云已引見將到省窠率兒女來摸牌至夕甚倦乃假寐遂酣起已三更有月光無月影

十四日雨雷李生來李佛翼捐道員分湖北借差來湘病起來見云尙未

愈王逸吾聽講感寒亦力疾來見坐談甚久徐幼穆送鼓子克食楊度  
來未見寫對子四幅復龍郎書

十五日雨巡撫送酒脯朱生來談時派陳中書來請看戲云少保入祠酬  
客已十餘日演唱矣未晡卽往霧露神多不識者唯知陶勞兩督裔葉  
麻楊鞏雨珊莘田初夜卽還窳女送餅尙未去留摸牌一圈二更後乃  
散程生早來訂行期王耀莖來謝恩均於樓上見之

十六日忌日鄧沅來以不衣冠無妨見之忌日不見客之例又改矣頃之  
僧明果來云忌日不妨見僧亦見之以後遂清靜午後設薦坐樓上待  
夜而睡

十七日雨更寒李通判翊煊來談廿務與李生同見去後送其家集乃知  
爲小湖學士之從子因看小湖集窳女回

十八日雨寒劉丁來促發便襪被檢篋令先上船胡甥來言講書事問諸

子門徑黃修源來言女學堂必不可開詞嚴義正楊羅不能施技矣看  
李集作茹孝子闕贊書交何棠孫轉致文擅湖由李佛翼遞去夕食功  
婦云甚早乃不能早芒芒上船已欲昏暮坐小艇殊不穩便功送上船  
靜菴弟專信來索館陳芳畹書來告窮文柄來告革退俱不能救之唯  
交一條與黃夏耳朱生送茶點詹有乾撥銀錢卅枚交房嫗專人與方  
僮預備清明祠會兒子不管事致無人照料非佳事也登舟  
怡和洋行  
船名昌和  
乃不容鄰與程生臥傭保間程已半日不食余未安排寒雨故也夜未  
解衣

十九日晨雨附舟者蠟集又呼余起卷被開倉熱不可再住程生覓得一  
房已有兩人占住余亦占住頃之小兒女領婢嫗來問知爲黃七老耶  
又來一老翁似曾相識問余姓知余字則孫海槎也黃七老耶乃黃鹿  
泉其子亦捐江南通判矣喜非雜人七人同倉不可容鄰已遠勝於昨

夜午後開行乃得飯喫夜黑不可進泊白魚岐

廿日晨雨午後陰行至岳州停久之有持署督名帖來迎者請過船謝不敢當約到鄂必往見又停城陵磯關丁看稅取夏布數捆去亦余之恥  
晡後乃行龔文生來見至嘉魚又停待月光復行水手索錢甚洶涌急  
出避之

廿一日陰晴晨至漢口接船未至待久之楚航乃來陳三少耶

叔恒及興

兒同來端署督又來迎復謝不往往復心寓中暫住悉邀孫黃龔同過  
江行李孩稚僕媪甚盛至漢陽門過藩署東行循巡道嶺至陳寓復心  
出見完夫亦在云楊程均未去遣告程太守頃之來見恐端復來先往  
上謁以見總督禮見之縱談時變端方字午橋勸善人也神采不精爽  
無火色鳶肩之相與張幼樵皆所謂聖人無相者談久之辭還朝食實  
已午矣趙馬俱來見二陳具食於前志局卽掃三間館余張先生亦在